



Broj: 01-02.2-7444-4/26-IO

Datum: 25.08.2026. godine

Na osnovu člana 100. stav (4) i člana 69. stav (3) Zakona o javnim nabavkama („Službeni glasnik BiH“, br. 39/14, 59/22 i 50/24) rješavajući po žalbi žalitelja BULJAN CESTE D.O.O. KREŠEVO, zastupan po zakonskom zastupniku Drago Buljan, direktor, izjavljene na tendersku dokumentaciju broj: 373.3/102/01-02.2-7444/26-SA. Obavještenje o nabavci broj: 260-1-3-208-3-263/26 objavljeno 30.7.2026.godine, u otvorenom postupku javne nabavke radova: Zamjena i ugradnja odbojnih ograda minimalnog nivoa H1, cesta M18 dionica Živinice 1-Vitalj, Uprava donosi:

RJEŠENJE **o usvajanju žalbe i otkazivanju postupka javne nabavke**

I

Usvaja se žalba žalitelja BULJAN CESTE D.O.O. Kreševo, izjavljene na tendersku dokumentaciju broj: 373.3/102/01-02.2-7444/26-SA, Obavještenje o nabavci broj: 260-1-3-208-3-263/26 objavljeno 30.7.2026.godine u otvorenom postupku javne nabavke radova: Zamjena i ugradnja odbojnih ograda minimalnog nivoa H1, cesta M18 dionica Živinice 1-Vitalj, kao osnovana.

II

Otkazuje se postupak javne nabavke radova: Zamjena i ugradnja odbojnih ograda minimalnog nivoa H1, cesta M18 dionica Živinice 1-Vitalj, objavljenog na portalu javnih nabavki dana 30.07.2026.godine pod brojem 260-1-3-208-3-263/26, zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke.

III

Ugovorni organ će pokrenuti proceduru povrata uplaćene administrativne takse žalitelju za pokretanje žalbenog postupka kod Ureda za razmatranje žalbi BiH.

VI

Ova odluka će se objaviti na web stranici JP Ceste Federacije BiH d.o.o. Sarajevo, sukladno članku 70. stavak (6) Zakona o javnim nabavkama, te će se Obavještenje o otkazivanju postupka javne nabavke objaviti na portalu javnih nabavki.

Obrazloženje

Obavještenja o nabavci broj: 260-1-3-208-3-263/26 objavljeno na portalu javnih nabavki 30.7.2026. godine i tenderska dokumentacija broj: 373.3/102/01-02.2-7444/26-SA u otvorenom postupku javne nabavke radova: Zamjena i ugradnja odbojnih ograda minimalnog nivoa H1, cesta M18 dionica Živinice 1-Vitalj.

JP Ceste Federacije BiH d.o.o. Sarajevo su dana 13.08.2026.godine (putem pošte upućena 10.08.2026.) zaprimile žalbu žalitelja BULJAN CESTE D.O.O. KREŠEVO, zastupan po zakonskom zastupniku Drago Buljan, direktor, izjavljene na tendersku dokumentaciju broj: 373.3/102/01-02.2-7444/26-SA u otvorenom postupku javne nabavke radova: Zamjena i ugradnja odbojnih ograda minimalnog nivoa H1, cesta M18 dionica Živinice 1-Vitalj.

Ugovorni organ JP Ceste Federacije BiH d.o.o. Sarajevo, po zaprimanju žalbe konstatuje da je žalba blagovremena jer je tenderska dokumentacija objavljena 30.07.2026.godine, a putem pošte žalba je upućena 10.08.2026.godine (prvi radni dan nakon zadnjeg dana roka za žalbu 09.08.2026.godine) dopuštena, izjavljena od ovlaštene osobe i osobe koja ima aktivnu legitimaciju.

Postupajući po žalbi, razmotreni su svi žalbeni navodi, izvršen uvid u kompletnu dokumentaciju predmetnog postupka, te je izvršena analiza tenderske dokumentacije, a u odnosu na žalbene navode i propisani zakonski postupak, te je Ugovorni organ utvrdio da je žalba osnovana iz razloga i činjenica, kako slijedi u nastavku:

Žalitelj osporava tenderskom dokumentacijom zahtijevani tip odbojne ograde koja se ugrađuje H2W1, H2W2, iz Prilog 3a -TEHNIČKE ODREDBE, PREDMJER I PREDRAČUN RADOVA pobijane TD-e jer nisu u skladu s Pravilnikom o saobraćajnim znakovima i signalizaciji na cestama, načinu obilježavanja radova i prepreka na cesti i znakovima koje učesnicima u saobraćaju daje ovlašteno lice („Službeni glasnik BiH“ broj 16/07) član 86, koji predviđa isključivo odbojnu ogradu nivoa zadržavanja H1, na svim magistralnim cestama osim na objektima gdje je predviđen nivo zadržavanja H2, bez obzira na okolnosti.

Razmatrajući žalbu žalitelja BULJAN CESTE d.o.o. Kreševo Ugovorni organ konstatovao je osnovanost navedenih žalbenih navoda, ali isto tako konstatovano je da je prilikom izrade tenderske dokumentacije Ugovorni organ napravio grešku u dijelu Prilog 3a - TEHNIČKE ODREDBE, PREDMJER I PREDRAČUN RADOVA u pogledu tipa odbojne ograde koja se ugrađuje H2W1 i H2W2. U predmjeru i predračunu radova:

- Stavka 6- Nabavka i ugradnja u betonski zid kompletne jednostrane sigurnosne ograde za vozila, nivo zaštite H2, klasa radne širine W1,
- Stavka 7 - Nabavka i ugradnja u bankinu kompletne jednostrane sigurnosne ograde za vozila, nivo zaštite H2, klasa radne širine W1,
- Stavka 8 - Nabavka i ugradnja u bankinu kompletne jednostrane sigurnosne ograde za vozila, nivo zaštite H2, klasa radne širine W2

Ugovorni organ tenderskom dokumentacijom zahtijeva tip odbojne ograde koja se ugrađuje da bude nivoa zaštite/nivo zadržavanja vozila H2 i radnu širinu W1, /H2W2 i H1W3. U vrijeme objave tenderske dokumentacije predmetnog postupka, Ugovorni organ se pozvao na važeće evropske norme po kojima je standardna praksa da se na magistralnim cestama uz provaliju postavlja odbojna ograda nivoa zadržavanja H2, ali nije u skladu s Pravilnikom o saobraćajnim znakovima i signalizaciji na cestama, načinu obilježavanja radova i prepreka na cesti i znakovima koje učesnicima u saobraćaju daje ovlašteno lice.

S obzirom na gore navedeno, da su utvrđene nepravilnosti takve prirode da bi direktno utjecale na zakonitost ishoda cjelokupnog postupka javne nabavke i da se utvrđene greške u ovoj fazi ne mogu otkloniti samo izmjenom tenderske dokumentacije, bez kršenja principa jednakog tretmana i transparentnosti, kao i efikasnog korištenja javnih sredstava, ugovorni organ je odlučio uvažiti žalbu i u potpunosti otkazati postupak javne nabavke u skladu sa članom 69. stav 3. Zakona o javnim nabavkama.

Imajući u vidu da je gore opisana tehnička pogreška razlog za otkazivanje postupka javne nabave, te da je za ugovorni organa važno da potencijalni ponuđač bude u mogućnosti izvršiti ugovor, kvalitetno uz poštovanje tehničkih odredbi predmeta nabavke, bez prekomjernih zahtjeva koji dovode do skupljih ponuda, bez opravdanja u kvaliteti predmeta nabavke, odlučeno je kao u dispozitivu.


.....
Ljubo Pravdic, dipl.ing.građ.

Dostaviti:

- BULJAN CESTE D.O.O. Kreševo, Troska b.b.,
71260 Kreševo